

Hfz. Nedžad Vehabović

HAFIZI BEHRAM-BEGOVE MEDRESE U TUZLI (2014-2015.)

Behram-begova medresa u Tuzli i njeni muderrisi, inspirisani kur'anskim ajetima i hadisima Muhammeda, a.s., koji govore o vrijednosti učenja Kur'ana napamet, na svoje učenike su prenosili želju i podsticali ih na putu sticanja zvanja hafiz Časnog Kur'ana. Tako je u periodu obnovljenog rada Behram-begove medrese, od 1993. godine do danas, ova odgojno-obrazovna ustanova promovirala četrdeset i četiri hafiza.

U prošlom broju Kapije, godišnjaka Behram-begove medrese, predstavili smo hafize Medrese u periodu 1993-2013. godine. U tom periodu hifz je završilo 36 učenika, odnosno alumnista Behram-begove medrese. U ovom radu predstavljamo hafize Behram-begove medrese koji su najčasniju titulu stekli u 2014. i 2015. godini.

37. Hfz. Anes Mulić rođen je 8.12.1997. godine u Tešnju. Sin je Saliha i Raze. Osnovnu školu je pohađao u Tešnju, a mekteb je do IX razreda osnovne škole pohađao kod Saliha-ef. Haušića, a poslije kod mr. hfz. Ahmeda-ef. Bukvića. Na takmičenju polaznika mektebske nastave u učenju Kur'ana 2013. godine osvojio je 1. mjesto na nivou Medžlisa, Muftijstva i Rijaseta IZ-e u BiH. Hifz je učio pred muhaffizom hfz.

Ahmedom-ef. Bukvićem. U ramazanu 2014. godine učio je hafisku mukabelu u Čaršijskoj i Hamzibegovoj džamiji u Tešnju i s muhaffizom je klanjao teravih-namaz hatmom u Hamzibegovoj džamiji u Tešnju. Hifz je položio 15.9.2014. godine, pred Komisijom za hifz Rijaseta Islamske zajednice u BiH. Učestvovao je na nekoliko takmičenja učača Kur'ana: *Svjetsko takmičenje učača Kur'ana u Dubaiju*, *Evropsko takmičenje učača Kur'ana u Zagrebu*, *Balkansko takmičenje učača Kur'ana u Sarajevu*. Hafiz Anes je nastupao na mnogim večerima Kur'ana u našoj domovini i šire. Objavio je i svoj CD učenja Kur'ana s kratkim surama i ašeretima. Učenik je III razreda Behram-begove medrese u Tuzli.

38. Hfz. Ahmed Mrahorović rođen je 8.4.1995. godine u Tuzli. Sin je hfz. Mirsada i Muratke. Osnovnu školu završio je u Banovićima, a prvo mektebsko obrazovanje stekao je kod Zijada-ef. Čavčića. Behram-begovu medresu u Tuzli je završio 2014. godine s odličnim uspjehom i primjernim vladanjem. Pripada 338. generaciji učenika Behram-begove medrese u Tuzli, prepoznatljivoj po hafizima Kur'ana. Hifz je počeo učiti u prvom razredu Medrese pred hfz. Mirnesom-ef. Spahićem. Položio ga je 1.10.2014. godine. Hafiska dova mu je proučena 18.10.2014. godine u Banovićima. Student je Fakulteta islamskih nauka u Sarajevu.

39. Hfz. Behija Spahić rođena je 28.3.1997. godine u Tuzli, od oca hfz. Mirnesa i majke hadži Emsije. U Osnovnu školu "Novi Grad" se upisala 2003. godine i završila je 2011. godine. Iste godine upisala se u Behram-begovu medresu u Tuzli. Tokom školovanja u Medresi učestvovala je na nekoliko takmičenja iz učenja Kur'ana na kojima je ostvarila zapažene rezultate, a najznačajniji su: *II mjesto na Evropskom takmičenju u Zagrebu iz tilaweta i II mjesto na Internacionalnom takmičenju u Rijeci iz tefsira i učenja Kur'ana*. Hifz je položila 29.12.2014. pred Komisijom za hifz Rijaseta Islamske zajednice u BiH i time stekla časno zvanje hafizatu-1-Kur'an. Hafiska dova joj je proučena 28.2.2015. godine u džamiji Behram-begove medrese u Tuzli. Muhaffiz joj je bio hfz. Mirnes Spahić. Behram-begovu medresu je završila 2015. godine, a student je Islamskog pedagoškog fakulteta u Zenici. Hafiza Behija je najmlađa hafiza na području Tuzlanskog kantona.

40. Hfz. Amina Orlović rođena je 23.2.1996. godine u Tešnju. Osnovnu školu „Džemal Bijedić“ u Novim Miljanovcima (Tešanj) završila je kao učenik generacije. Nakon osnovne škole upisala se u Behram-begovu medresu u Tuzli. Hifz je počela učiti u II razredu, a uspješno završila u IV razredu Medrese. Hifz je položila 4.2.2015. godine. Hafiska dova joj je proučena 28.2.2015. godine u džamiji Behram-begove medrese u Tuzli. Muhaffiz joj je bio hfz. Edin Dedić. Student je Yildiz tehnološkog univerziteta u Istanbulu, smjer bioinžinjering.

41. Hfz. Edina Mehuljić, kćerka Muhameda i Aiše, iz Srebrenika, rođena je 14. juna 1993. godine u Gračanici. Mekteb je pohađala u Babunovićima (Srebrenik) pred muallimom Ahmed-ef. Mujkićem, i tu je naučila prve harfove. Osnovnu školu je završila u Srebreniku sa odličnim uspjehom i primjernim vladanjem, a nakon toga Behram-begovu medresu u Tuzli, također s odličnim uspjehom i primjernim vladanjem. Poslije završetka Medrese upisala se na Fakultet islamskih nauka u Sarajevu i istvremeno sa početkom studija (2011. godine) počela je i s učenjem hifza pred hfz. Kenanom Musićem. Hifz je završila početkom četvrte godine studija, a položila je 23.2.2015. godine. Hafiza Edina je prva hafiza na području općine Srebrenik. Apsolvent je na Fakultetu islamskih nauka u Sarajevu.

42. Hfz. Senada Čačković, kćerka Enesa i Nafije, iz Palanke kod Brčkog, rođena je 12.11.1996. godine u Maoči. Pohađala je mekteb u Palanci pred muallimom Mehmedom-ef. Kurtićem, gdje je naučila i prve harfove. Završila je “Sedmu osnovnu školu” u Gornjem Rahiću, sa superodličnim uspjehom. U Behram-begovu medresu se upisala 2011. godine, na prijedlog Mehmeda-ef., a hifz je počela učiti u II razredu Medrese. Hifz je položila 8.4.2015. godine. Medresu je završila 2015. godine kao superodlična učenica i jedna od najboljih učenica u odjeljenju. Muhaffiz hafize Senade je hfz. Edin Dedić, profesor kiraeta u Behram-begovoj medresi. Nakon Medrese upisala se na Filozofski fakultet u Sarajevu (Odsjek arapski jezik) kao i na Fakultet islamskih nauka u Sarajevu.

43. Hfz. Mustafa Mujkić rođen je 30.12.1995. godine u Tuzli, od oca Ramiza i majke Samire. Završio je "Prvu osnovnu školu" u Srebreniku sa superodličnim uspjehom. Nakon osnovne škole upisao se u Behram-begovu medresu u Tuzli. Uporedo sa školovanjem u Medresi uključio se u sekciju hifza. U junu 2013. godine, učestvovao je na intenzivnom kursu hifza Kur'ana koji je bio održan u Saudijskoj Arabiji. Na tom kursu je primio diplomu koju je potpisao glavni imam harema u Meki Abdurrahman bin Abdulaziz Es-Sudejs. Hifz je položio 8. 6. 2015. godine. Muhaffiz mu je bio hfz. Mirnes-ef. Spahić. Hafiska dova mu je proučena 17.9.2015. godine u džamiji Behram-begove medrese. Student je na Fakultetu islamskih nauka u Sarajevu.

44. Hfz. Medina Hamzabegović, kćerka Jusufa i Ševale, rođena je 22.10.1995. u Tuzli. Osnovnu školu završila je u Živinicama, gdje i sada boravi, dok su njeni roditelji porijeklom iz mjesta Glodi, općina Zvornik. Prve harfove je učila u mektebu pred muallimom Vehbijom Mujezinovićem. U mektebu se isticala u učenju i pamćenju Kur'ana, te je učestvovala na takmičenjima iz učenja Kur'ana na nivou Medžlisa. Behram-begovu medresu je završila 2014. godine, odličnim uspjehom i primjernim vladanjem. Prvu polovinu Kur'ana naučila je tokom školovanja u Medresi. Nakon završetka školovanja u Medresi, nastavila je sa hifzom, i za godinu dana završava drugu polovinu Kur'ana. Hifz je položila 12.6.2015. godine. Muhaffiz joj je bio hfz. Mirnes Spahić. Studentica je prve godine Filozofskog fakulteta u Tuzli, odsjek Pedagogija/Psihologija.

45. Hfz. Fatima Camić, kćerka Omera-ef. i Sehvete, rođena je 9.9.1995. godine, u Reutlingenu, SR Njemačka. Osnovno obrazovanje je stekla u Janji, a nakon osnovne škole upisala se u Behram-begovu medresu u Tuzli, koju je završila 2014. godine, s odličnim uspjehom i primjernim vladanjem. Na takmičenju iz učenja Kur'ana 2008. godine, u kategoriji kiraet stariji uzrast, osvojila je I mjesto na nivou Muftijstva tuzlanskog i III mjesto na nivou Rijasetu Islamske zajednice u Bosni i Hercegovini. Hifz je počela učiti u Medresi pred hfz. Mirnesom-ef. Spahićem, a nakon završetka Medrese u Sarajevu je pred svojim daj-

džom i muhaffizom hfz. Sadrudinom-ef. Išerićem nastavila i uspješno završila. Hifz je uspješno položila 15.12.2015. godine, pred Komisijom za hifz Rijaseta Islamske zajednice u BiH. Studentica je Fakulteta islamskih nauka u Sarajevu.

Behram-begova medresa je u svom obnovljenom radu, od 1993. godine do danas, promovirala ukupno 44 hafiza, 32 svršenika hafiza i 12 svršenica hafiza. Tokom 2014. i 2015. godine ukupno osam učenika, odnosno svršenika Behram-begove medrese je steklo časnu titulu hafiza Kur'ana. Značajno je napomenuti da se u ovom periodu povećava broj svršenica Medrese koje su stekle ovu časnu titulu. U periodu 1993-2013. ukupno sedam svršenica je steklo zvanje hafize Kur'ana, a u 2014. i 2015. godini, za samo dvije godine, njih pet je promovisano u ovo časno zvanje. Aktivan rad voditelja sekcije hifza u Behram-begovoj medresi, veliki broj učenika koji uče hifz i koji su na putu da steknu časnu titulu hafiza Kur'ana, garant su da će se, uz Allahovu pomoć, broj hafiza Tuzlanske medrese iz godine u godinu stalno povećavati.